

Преподобнаго Варнавы Гефсиманскаго, Радонежскаго

2 марта (1 марта в високосный год) н.ст.

НА ВЕЛІЦЕЙ ВЕЧЕРНИ

На Господи, воззвах: стихіры, глас 1.

Познаім, вѣрнии, / промыслѣние в Троице славиимаго Бѣга, / Ёже людем, в унынии и печалех сущим, / дарова мѣжа милостиваго, / сына утешения, Варнаву преподобнаго, / молитвенника о душах наших.

Познаім, вѣрнии, / любовь и попечение Господа, / Ёже являше сѣя Варнаве преподобному / от дней младенчества того / во всяких нѣждах и напастех, // яко предызбранному молитвеннику о душах наших.

Прославим, вѣрнии, / милосердіе Господа, / Ёже посла Варнаве, отроку сущу, / Ангела свѣтла и мирна, / от тяжкия болѣзни и смѣрти того избавляя, // яко предызбраннаго целителя душ и телес наших.

Воспойм, вѣрнии, / Отца нашего Небеснаго, / Ёже сохрани во благочестии / родители благословеннаго Варнавы, / воспитавшія того от младенчества, // яко предызбраннаго служителя олтаря Господня.

Слава, глас 5:

Приидіте, вѣрнии, / прославим Всеблагаго Бѣга, / преподобнаго Варнаву на радость нам даровавшаго, / ёже на пути спасительном утверждѣн бысть, / во обитель Пресвятыя Троицы прииде, / и благословѣнием аввы Антонія и богомудрых старцев / в ските Гефсиманстѣм подвижася, / и утешитель изрядный людем явился, // ныне же дерзновенно молится ко Спасу о душах наших.

И ныне, Богородичен, глас тойже: В Чермнѣм мѣри:

На литіи стихіры, глас 3:

Любовию Христовою уязвився, преподобне, / сердце милующее к людем стяжал еси. / Сего ради явился еси пастырь добрый и попечитель душ скорбящих. / Молися, отче Варнаво преподобне, / о чтущих любовью память твою.

Познаша ты людие россійстии / утешителя в скорбех, отче Варнаво, / темже во множестве притекаху к тебе / и радости неизреченныя исполняхуся. / Нас же, чад твоих, скорбящих и болѣзнующих // поможію твою не забуди.

На стихóвне стихіры, глас 2.

От юности твоей / Бóга возлюбів, óтче, / во обітель Зосімы
блаженнаго притекл еси, / в нейже обрет отца духовнаго, // наставлен был
еси ко спасению.

Стих: Честна пред Господем // смерть преподобных Его.

Возлюбів уединение, / в скит пустынный пришел еси, óтче
преподобне, / идеже труды многия / и молитвы усердныя // Бóгу приносил
еси.

Стих: Блажен муж, бояйся Господа, // в заповедех Его восхощет зело.

В келлии пустынной / подвигу послушания и своей воли отсечению /
навыкал еси, óтче Варнаво, / и с молитвою усердною // к Бóгу прибегал
еси.

Слава, глас 8:

Благословение отца духовнаго, / люди алчущия питати словом и
хлебом, / в сердце твоём со смирением полагая, / поистине утешительный
отец и добрый питатель // явился еси всем прибегающим к тебе.

И ныне, Богородичен, глас тойже: Безвестная Дево:

Тропарь, глас 5:

**Измлада Христа Бóга чисте возлюбів, / сын утешения был еси, /
преподобне óтче Варнаво. / По имени и житие твоё бысть: / коемуждо
страждущему, и нищу и царю, / пастырь кроток, утешитель и
целитель явился еси. / Поминай нас, благодатный óтче, / да
молтвами тёплыми твоими / Жизнодавец Бог дарует нам // утешение
и велию мѣлость.**

НА УТРЕНИ

На Бог Господь: тропарь святаго дважды. Слава, и ныне,
Богородичен.

По 1-м стихословии седален, глас 1:

Познал еси, óтче преподобне Варнаво, / краткость жития
человеческаго, / сего ради, от юности подвигом добрым подвизався, / к
Бóгу мирне изшел еси.

Слава, и ныне, Богородичен:

Ма́ти Де́во, / преблагослове́нная Богоро́дице, / сохрани́ в ми́ре лю́ди, чту́щия Тя.

По 2-м стихослóвии седа́лен, глас 4:

Кончи́ну жити́я твоего́ предуве́дев, / преподо́бне о́тче наш Варна́во, / ника́коже во уны́ние пришéд, / но в трудéх свята́го послуша́ния пребыва́я, / жити́е твоё́ свято́ сконча́л еси́.

Сла́ва, и ны́не, Богоро́дичен:

Наде́ждо всех скорбя́щих и по́моще подвижа́ющихся, / Ма́ти Бо́жия Пречи́стая, / путь живота́ вéчнаго возлюб́ившим Тя да́руй.

По полиеле́и седа́лен, глас 4:

Во всем жити́и твоём, преподо́бне Варна́во, / яви́ себе́ послу́шника рачи́тельна, / попечи́теля и утёшителя́ лю́дем тво́им, / в недúзех и ско́рбех мно́зех к тебе́ прибега́ющим / и блажа́щим па́мять твою́, о́тче достосла́вне.

Сла́ва, и ны́не, Богоро́дичен:

Да возра́дуется се́рдце на́ше о попечéнии твоём, Богоро́дице, / е́же обильно́ явля́еши на лю́дех печа́льных, / к Тебе́ притека́ющих.

Та́же степéнна, 1-й антифо́н 4-го гласа. **Прокíмен, глас 4: Честна́ пред Го́сподему / смерть преподо́бных Егó.** Стих: Что возда́м Го́сподеви о всех, я́же воздаде́ ми? Вся́кое дыха́ние: Ева́нгелие от Матфе́я, зача́ло 43.

По 50-м псалме́ стихира, глас 6:

Любо́вь ве́лию и по́мощь мно́гу / стра́ждущим простира́л еси́, / о́тче преподо́бне Варна́во, / во **вся** дни жити́я твоего́ / и сим Бо́гу угоди́л еси́, / те́мже по кончи́не твоёй / почита́ющих тя по́мощию не оставля́еши, // мир и утешéние им да́руеши.

Кано́н, глас 1.

Песнь 1

Ирмо́с: *Твоя́ победи́тельная десни́ца / боголе́пно в крéпости просла́вися: / та бо, Безсме́ртне, / я́ко всемо́ущая, проти́вныя сотре́, // израи́льтяном путь глубины́ новосодо́лавшая.*

Благода́тную по́мощь Твою́, Го́споди, низпосли́ нам, / воспéти
угодника Твоего́, Варна́ву Гефсимáнского, / благоче́стия подви́жника и
обíтели Сéргиевы украше́ние.

Ча́до мило́сти Госпо́дни родите́лем твои́м был еси́, свя́те. / Те́мже и
лю́ди, о́крест сущи́и, ви́дяще си́е, / зело́ ра́довахуся, благода́ряще Бо́га.

А́ще и най́де на тя боле́знь тя́жкая во ю́ности твоёй, о́тче, / оба́че
десни́цею Госпо́днею охра́няе́мь, я́ко избра́нник Бо́жий, / здра́в яви́лся
еси́.

Богоро́дичен: Ма́ти Де́во, Всеми́лостивая Влады́чице, / ве́дущая на́ша
немо́щи душе́вные и теле́сныя, / сохрани́ нас под кро́вом Твои́м.

Песнь 3

Ирмо́с: *Еди́не ве́дый челове́ческаго существа́ немо́щь / и ми́лостивно
в не вообра́жся, / препоя́ши мя с высо́ты си́лою, / е́же вопи́ти Тебе́,
Святы́й: // одушевле́нный Хра́ме неизрече́нныя сла́вы Твоея́,
Человеколю́бче.*

Призва́ние ко ино́честву предзрэ́ся в тебе́, блаже́нне, е́ще о́троку
сущу́, / егда́ пе́рвое у гроба́ преподо́бнаго Сéргия моли́лся еси́.

Жела́ние послужи́ти Бо́гу имéя, о́тче, / во обите́ль Святы́я Тро́ицы
прише́л еси́, / иде́же нача́ло спасе́ния твоего́ положи́.

Ви́дяще любо́вь твою́ к уедине́нному жити́ю, преподо́бне, / и
предзря́ще служе́ние твоё наро́ду Бо́жию, / áвва Анто́ний со ста́рцы
посла́ша тя во обите́ль Пресвяты́я Богоро́дицы, / Гефсимáния
нарица́емую.

Богоро́дичен: О Пресвята́я Де́во, Путево́дительнице ве́рных! / Ко
стези́ покая́ния нас напра́ви / и спаси́ ду́ши на́ша.

Седа́лен, глас 2:

Любо́вь Христо́ву ве́лиим смире́нием стяжа́л еси́, / преподо́бне о́тче
Варна́во, / тече́ние живота́ твоего́ Бо́гу вверя́я / и при́сно смотре́нию
Госпо́дню ра́дуясь.

Сла́ва, и ны́не, Богоро́дичен:

Ма́ти Бо́жия, благослове́нная Мари́е, / лю́ди Твоя́, во ско́рби сущи́я, /
ми́лостию Твое́ю не оста́ви.

Песнь 4

Ирмос: *Гору Тя, благодатию Божиею приосененную, / прозорливыма Аввакум усмотрив очима, / из Тебе изыти Израилеву провозглашающе Святому // во спасение наше и обновление.*

В мире скорбни будете, но дерзайте, яко Аз победих мир, / рекл еси, Господи, Твоим учеником. / Сего ради скорбящим утешители дивныя от избранных твоих даруеши.

Скорби народа Божия познав, / утешитель присный и скорый людем явился еси, / отче Варнаво премилостиве, / темже ты любовью ублажаем.

Много болéзновал еси о приходящих к тебе, преподобне отче, / темже и сих призывал еси неправды и прегрешения своя слезами покаяния омывати / и во всяцем благочестии и чистоте пребывать.

Богородичен: Мати Пречистая, Огнь Божественный во чреве приимшая несказанно, / неправды и прегрешения наша попали благодатию Сына Твоего.

Песнь 5

Ирмос: *Твой мир даждь нам, Сыне Божий, / иного бо, разве Тебе, бога не знаем, / имя Твое именуем, // яко Бог живых и мертвых еси.*

Евангельская словеса о добром пастыре в сердце твоём слагая, преподобне, / многое попечение о приходящих к тебе имел еси / и, яко чадолюбивый отец, сих утешал еси.

Сирых, болéзнующих и о гресех своих скорбящих / во множестве привлéкл еси, отче преславне Варнаво, / и сих словом кратким твоим врачевал еси.

Тайная человеков прозревал еси, отче преподобне, / и язвы греховныя целил еси данною тебе благодатию, / таже, будущая провидя, люди ко истине направлял еси.

Богородичен: Скорби и печали человеков веши, Мати Пресвятая, / темже и Небесною любовью Твоею верно сия врачуеши.

Песнь 6

Ирмос: *Обыде нас последняя бездна, / несть избавляяй, / вменихомся яко овцы заколения. / Спаси люди Твоя, Боже наш, // Ты бо Крепость немощствующих и исправление.*

Обы́дет бѣздна беззаконія Россійскую зѣмлю, / несть избавля́й и мно́зи вѣрнии вменя́тся я́ко овцы заколе́ния, / оба́че даст Госпо́дь крѣпость немощствую́щим и избавле́ние, – / проро́чески рекл еси́, преподо́бне.

Дни́е гряду́т, егда́ напáстыми тьмы безбо́жия Цѣрковь Россійская обурева́ема бу́дет, / но, Сама́го Христа́ иму́щи Кормчаго, / тѣхое пристáнище обря́щет, возсия́вшу со́лнцу вѣры, – / проро́чески утешáл еси́ вѣрныя, блаже́нне Варна́во.

Гряду́щее губи́тельство Цѣркве Христо́вы престáнет, – / вещáл еси́, о́тче, – / мѣрзость и запустѣ́ние во хра́мах Бо́жиих исто́щатся, / го́ре и мрак в сердца́х люде́й, я́ко дым, исче́знут, / егда́ тѣи к Бо́гу с пока́нием обрат́ятся, / зане́ Госпо́дь, Крѣпость немощствую́щих, да́рует им избавле́ние.

Богоро́дичен: Цѣрковь на́шу во дни гонѣ́ний / и страну́ Россійскую во дни нестро́ений / держа́вою Твое́ю сохрани́ла еси́, Ма́ти Де́во. / Сего́ ра́ди и на бу́дущее вре́мя от враг ви́димых и неви́димых / бу́ди нам при́сная Засту́пница.

Конда́к, глас 2:

Печа́льнику земли́ Россійския, преподо́бному Сѣргию, / от ю́ности послѣдовал еси́, свя́те Варна́во, / и заветъ ста́рца твоего́, си́це ре́кшаго: / та́ко хо́щет Бог: / сло́вом и хле́бом пита́й а́лчущих, – / по́истине до конца́ испо́лнил еси́. / Сего́ ра́ди и ны́не мо́лим тя, / не оста́ви нас, утѣшительный *о́тче*, // Небе́сною любóвию твое́ю.

Ўкос:

Возлюби́в, преподо́бне, Христо́вы Божѣственныя за́поведи / и возненави́дев ми́ра сего́ наслажде́ние, / пришѣл еси́ усер́дно к Тому́ / и был еси́ свети́льник, просвещáя концы́ блиста́нием духо́вным. / Тем припа́дая молю́ тя: / просвети́ мой о́чи душе́внеи / воспѣ́ти твоя́ по́двиги, поще́ние, и бде́ние, и слѣ́зы, болѣ́зни, и изможде́ние те́ла, / блаже́нныя ра́ди бу́дущия жи́зни, / ея́же ны́не наслажда́ешься; / моли́ непреста́нно о всех нас.

Песнь 7

Ирмо́с: Тебе́ у́мную, Богоро́дице, *пе́щь* разсмотре́ем вѣрнии: / *якоже* бо о́троки спасе́ три Превозноси́мый, / мир обновí во чре́ве Твое́м всеце́л // *хва́льный о́тцѣв Бог и препросла́влен.*

Духом кротости врачюя душевные недуги, преподобне, / приходящая к тебе приводил еси к покаянию / и евангельским заповедом научал еси.

Словесем твоим и наставлением последующе, преподобне отче Варнаво, / вернии людие Отчества твоего мир мног стяжавашу / и тако житие свое во славу Божию устрояху.

Даром врачевания обогати ты Господь, преподобне отче Варнаво, / темже и словом твоим смиренным во славу Божию недужные целил еси.

Богородичен: Болѣзни наша душевные и телесныя заступлением Твоим уврачуй, Пречистая, / и от смерти духовныя избави нас.

Песнь 8

Ирмос: *В пещи отроцы Израилевы, / якоже в горниле, / добротой благочестия чистее злата блещашуся, глаголюще: / благословите, всядела Господня, Господа, // пойте и превозносите во вся веки.*

Вѣра крепкая, любви нелицемерная и упование твердое / чистее злата блещашуся в тебе, преподобне отче. / Сего ради от Бога дар разсуждения и прозрения прияти сподобился еси. / Темже мнози, взыскующии волю Божию, к тебе притекаху.

Печальник и наставник был еси, преподобне отче, / не точию простым, но и во власти сущим. / Темже и Великаго Государя Всероссийскаго в келлии твоей духовне утешал еси, / грядущая страдания и смерть мученическую того предузревая.

Помазаннику Божию прорекл еси, преподобне Варнаво, / претерпети страдания во славу Божию: / той бо явился жертва за грехи наша, / посрамление губителей земли Российския и слава Церкви.

Богородичен Обители многи, во имя Твое, Пречистая, на Святѣй Руси воздвигнутыя, / обаче за грехи наша от безбожных поруганныя, / ныне же со усердием верными возставляемая, / милостию Твоею не остави / и в них живущия от всяческих напастей и злых обстояний сохрани.

Песнь 9

Ирмос: *Образ чистаго Рождества Твоего / огнепальная купина показя неопальная; / и ныне на нас напастей свирепеющую угасити молимся пещь, / да Ты, Богородице, // непрестанно всличаем.*

Велѣние старца, еже питати чада Божия хлѣбом и словом, / да же до часа смертнаго со тщанием соблюдая, / волю Божию исполнил еси, отче Варнаво. / Тем же и сподобися у олтаря мирне дух твой Господу предати.

Заповедь Христову, – да любите друг друга, – / потщался еси исполнити до конца, преподобне Варнаво, / и сего ради в чертоги Небесныя яко возлюбленный и благословенный Богом возшел еси.

Живя во славу Божию, молитвою яко Серафим, деянием яко Херувим, / служением же яко Ангел был еси, преподобне отче Варнаво. / Сего ради и ныне с лики Небесными Бога радостне прославляеши.

Богородичен: Стротеля обители Йверския, преподобнаго Варнаву, / ходатая пред Тобою имамы, Пречистая Мати Дѣво, / с ним же сподоби и нас достойно зывать Тебе: / радуйся, Благая Вратарнице, двери райския верным отверзающая.

Светилен:

Светильника веры и образ благочестия явил еси нам, Господи, Варнаву преподобнаго. / Сей бо, праведно пожив, многия люди к покаянию приведе / и светом евангельским просвети. / Его же молитвами, Христѣ Боже, даруй нам велию милость.

Слава, и ныне, Богородичен:

Просвети нас светом Сына Твоего, благословенная Владычице, / к немощем нашим милосердна буди, / прочее время живота нашего в мире и покаянии сподоби скончати / и на Страшном Судищи Христове Ходатаица неотступна явися.

На хвалитех стихиры, глас 2.

Отче преподобне, / Варнаво предивный, / наставниче премудрый, / научи и нас // путем Христовым неленостно шествовати.

Отче преподобне, / Варнаво пречудный, / утешителю краткий, / помози нам, в печали сущим, // во благодущии пребывать.

Отче преподобне, / Варнаво преславный, / избранниче Божий, / молися ко Господу // душам нашим спастися.

Слава, глас 8:

Ублажаем тя, преподобне отче Варнаво, / душу бо твою о людех болѣзнующих полагал еси, / та же словом милостивым и утешительным

сих наставля́л еси́, / ещё же недугующих и немощствующих врачевал еси́
о Христѣ Иисусѣ, // Его́же моли́ спасти́ ду́ши на́ша.

И ны́не, Боро́дичен, глас то́йже: Влады́чице, приими́:

На Литур́гии служба преподо́бническая.

Моли́тва

О преподо́бне о́тче Варна́во, па́стырю наш кро́ткий и утѣшительный, мѣлостивый помо́щниче и те́плый о нас моли́твенниче! Ты, измла́да ча́до благослове́ния Бо́жия быв, о́браз послуша́ния роди́телем, повинове́ния господѣм и служе́ния б́лижним показа́л еси́. Заповеди Госпо́дни возлюбѣв, в Ла́вру преподо́бнаго Сѣргия прите́кл еси́ и того́ ве́рный уче́ник яви́лся еси́. Во оби́тели же Бо́жия Ма́тере повеле́нием настоя́теля а́ввы Анто́ния пребыва́я, дух смиренному́дрія, кро́тости и терпе́ния стяжа́л еси́ и дар рассу́ждения и прозре́ния помышле́ний душе́вных от Бо́га прия́л еси́. Сего́ ра́ди мона́шествующим духо́вный наста́вник, ино́киням созида́тель оби́тели Йверския на Вѣксе реце́ и всем стра́ждущим и боле́знующим цели́тель и попечи́тель мѣлостивый да́же до часа́ сме́ртнаго был еси́. По преста́влении же твоѣм Бог мно́гия мѣлости почита́ющим па́мять твою́ яви́ и ино́ком учите́ля тя ве́рна дарова́. Те́мже мо́лим тя, пра́ведный о́тче, я́коже и прѣ́жде, ходата́йствуй пред Бо́гом моли́твами тво́ими всем лю́дем во вся́цем звáнии дух утѣшительный стяжа́ти и коему́ждо потре́бная обрести́: ю́ным – послуша́ние и целому́дріе стра́хом Бо́жиим сохра́нити; в во́зрасте су́щим – любо́вь Бо́жию и согла́сие стяжа́ти; алчу́щим – не то́кмо хлѣбом насущным, но и наипа́че сло́вом Бо́жиим насы́титися; пла́чущим – утѣшиться; изгна́нником и стра́нником – приста́нище обрести́; в темни́це су́щим – от уз свобо́диться; благоче́стивым – в Ду́се Бо́жием возраста́ти и смиренному́дрія дости́гнути. Сше́ствуй нам во всех путѣх жи́зни на́шея, па́че же умоли́ Го́спода на́шего о прощё́нии прегреше́ний и неправд на́ших и к свѣту за́поведей Бо́жиих стопы́ на́ша напра́ви, да еди́ным се́рдцем и усты́ сла́вим Пресвяту́ю Тро́ицу, Отца́ и Сы́на и Свята́го Ду́ха, во ве́ки веко́в. Ами́нь.